



Klub poslanika
Naša stranka – BHI KF

Клуб посланика
Наша странка – БХИ КФ

Broj:
Sarajevo, 23.8.2023. godine



PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM

n/r g. Marinko Čavara, predsjedavajući Predstavničkog doma

PRIMLJENO: 23-08-2023			
Organizaciona jedinica	Klasifikaciona oznaka	Redni broj	Broj priloga
01-	50-1-	1843/43	

Na osnovu člana 170. Poslovnika Predstavničkog doma Parlamentarne skupštine Bosne i Hercegovine ("Službeni glasnik Bosne i Hercegovine" 79/14, 81/15, 97/15, 78/19 i 26/20 i 53/22), postavljam sljedeće

POSLANIČKO PITANJE ZA PREDSJEDAVALJUĆU VIJEĆA MINISTARA BOSNE I HERCEGOVINE

Da li Vi kao predsjedavajuća Vijeća ministara BiH, ali i žena, planirate poduzeti aktivnosti na izradi prijedloga uvrštavanja femicida u Krivični zakon BiH?

OBRAZLOŽENJE

Femicid nije izoliran događaj, već je potrebno imati u vidu specifičnost konteksta u kome se ubistvo dogodilo. Više od jedne trećine pokušaja i izvršenog femicida desilo se u stanu, kući ili dvorištu žrtve čime se potvrđuje da je za ženu koja trpi nasilje najopasnije mjesto upravo njen dom. Najvećem broju ubistava prethodilo dugotrajno nasilje koje nije bilo prijavljivano ili je bilo prijavljivano, ali je izostala adekvatna reakcija institucija, također u većini slučajeva počinitelj bio bivši bračni, vanbračni ili emotivni partner.

Prema dostupnim podacima tokom 2021. i 2022. u BiH je ubijeno 19 žena.

Bosna i Hercegovina je 2013. godine ratificirala Istanbulsku konvenciju i obavezala se na poduzimanje zakonodavnih i drugih mjera radi osiguranja prevencije i zaštite žrtava nasilja, te kažnjavanje počinitelja nasilja.

Prema Istanbulskoj konvenciji, država je dužna postupati s dužnom pažnjom prema svim prijavljenim slučajevima nasilja nad ženama, što uključuje neophodne zakonodavne, odnosno druge mjere da spriječi, istraži, kazni i za djela nasilja obuhvaćena ovom konvencijom.

Istanbulska konvencija propisuje obavezu država članica da poduzmu potrebne mjere kako bi osigurale da se za prijavljene slučajeve nasilja nad ženama, provede procjena rizika opasnosti od ubistva, ozbiljnosti situacije i opasnosti od ponovljenog nasilja, te da, ako je potrebno, bude osigurana koordinirana podrška žrtvama.



Klub poslanika
Naša stranka – BИI KF

Клуб посланика
Наша странка – БХИ КФ

Obzirom da femicid nije regulisan Krivičnim zakonom BiH ("Službeni glasnik BiH", br. 3/03, 32/03, 37/03, 54/04, 61/04, 30/05, 53/06, 55/06, 32/07, 8/10, 47/14, 22/15, 40/15, 35/18, 46/21, 31/23 i 47/23), te da smo ponovno svjedoci zločina femicida koji se dogodio 11. 8. 2023. godine u Gradačcu, postavljam navedeno poslaničko pitanje.

S poštovanjem,

Aida Baručija
Zastupnica u Predstavničkom domu
Parlamentarne skupštine BiH